

Zu wissen mit welchem grad des
Thiercreyß ein yeglicher stern auff
oder nyder gee.

Das xxiiij. Capitel.

Ruck den puncten des sterns auff den horizon in
Orient / vnd laß also das Rete vnerruckt lie-
gen / so sichstu pald im Thiercreyß welcher grad
auch auff demselben horizon lige / das ist dan der
grad mit dem der stern auffgeet. Item ruck dann
den stern auff den horizon inn nydergang / so sichstu auch
den grad des Thiercreyß / der mit dem stern vndergeet auff
dem horizon inn nydergang ligenn.

Wellicher grad des Thiercreyß mit
ein yeden stern / zugleich inn
mittag tum.

Das xxv. Capitel.



Lege das punctlein des sterns auff die mittag
linia / als pald sichstu im Thiercreyß den grad
auch auff derselben linia ligenn etc.